



ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԱՐԱՔԿԻՐ ՆՍՏԱՎԱՅՐ
(ՀՀ, համայնք ԵՐԵՎԱՆ, ՔԱՆԱՔԵՌ-ՉԵՅԹՈՒՆ, ՀՐ. ՆԵՐՍԻՍՅԱՆ Փ., մասնաշենք 10)



Սույն փաստաթղթի իսկությունը հնարավոր է ստուգել <https://verify.e-gov.am> կայք
ուև մուտքագրելով IEE4-A7E1-412E-AC7E հսկիչ համարը կամ սքանավորելով QR կոդը:

ՈՐՈՇՈՒՄ
ՔԱՂԱՔԱՑԻԱԿԱՆ ԳՈՐԾԸ ՎԱՐՈՒՅԹ ԸՆԴՈՒՆԵԼՈՒ, ԳՈՐԾԸ ՆԱԽՆԱԿԱՆ
ԴԱՏԱԿԱՆ

ՆԻՍՏՈՒՄ ՔՆՆԵԼՈՒ ԵՎ ԵԶՐԱՓՈԿԻՉ ԴԱՏԱԿԱՆ ԱԿՏԻ

ՀՐԱՊԱՐԱԿՄԱՆ ՕՐ ՆՇԱՆԱԿԵԼՈՒ ՄԱՍԻՆ

ԵԴ2/7228/02/24

ք. Երևան

14 Նոյեմբերի 2025թ

Հայաստանի Հանրապետության Երևան քաղաքի առաջին ատյանի ընդհանուր իրավասության քաղաքացիական դատարանի դատավոր Ա. Դուռնամայանը, քննարկելով ըստ հայցի՝ «Ագաստ» ՍՊ ընկերության ընդդեմ «Գորիսի բժշկական կենտրոն» ՓԲ ընկերության՝ «Գորիսի բժշկական կենտրոն» ՓԲ ընկերության կողմից վերջինիս և «Ագաստ» ՍՊ ընկերության միջև 02.02.2024թվականին կնքված թիվ «ՍՄԳԲԿ-ԳՀՍՊԶԲ-24/2/5» ծածկագրով պայմանագրի միակողմանի լուծումն անվավեր ճանաչելու պահանջի մասին, քաղաքացիական գործը վարույթ ընդունելու և նախնական դատական նիստ նշանակելու հարցերը,

ՊԱՐԶԵՑ

ՈՒ. ԳՈՐԾԻ ԴԱՏԱՎԱՐԱԿԱՆ ՆԱԽԱՊԱՏՈՒԹՅՈՒՆԸ.

1.1. «Ագաստ» ՍՊ ընկերության ներկայացուցիչը 30.08.2024 թվականին Էլեկտրոնային դատավարության համակարգի միջոցով Ուսուցիչ նաև՝ Համակարգի հայցադիմում է ներկայացվել դատարան ընդդեմ «Գորիսի բժշկական կենտրոն» ՓԲ ընկերության՝ «Գորիսի բժշկական կենտրոն» ՓԲ ընկերության կողմից վերջինիս և «Ագաստ» ՍՊ

ընկերության միջև 02.02.2024թվականին կնքված թիվ «ՍՍԳԲԿ-ԳՀՍՊՁԲ-24/2/5» ծածկագրով պայմանագրի միակողմանի լուծումն անվավեր ճանաչելու պահանջի մասին:

1.2. Դատարանը 13.09.2024թվականին որոշել է հայցադիմումն ընդունել վարույթ, պատասխանողից պահանջել ապացույցներ և դատական ակտի հրապարակման օր նշանակել 2024թվականի հոկտեմբերի 25-ին:

1.3. Դատարանի 2024 թվականի հոկտեմբերի 25-ին կայացված վճռով հայցը մերժվել է:

1.4. Դատարանի 2024 թվականի հոկտեմբերի 25-ին կայացված վճռի դեմ ներկայացվել է վերաքննիչ բողոք:

1.5. Վերաքննիչ դատարանը 27.05.2025 թվականին որոշում է կայացրել վերաքննիչ բողոքի քննությունը գրավոր ընթացակարգով իրականացնելու մասին, և դատական ակտի հրապարակման ժամանակ է նշվել 30.05.2025 թվականը:

1.6. ՀՀ վերաքննիչ դատարանի 2025 թվականի մայիսի 30-ի որոշմամբ վերաքննիչ բողոքը բավարարվել է մասնակի և թիվ ԵԴ2/7228/02/24 քաղաքացիական գործով ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի 2024 թվականի հոկտեմբերի 25-ի վճիռը բեկանվել է և ամբողջ ծավալով ուղարկվել նոր քննության:

1.7. Քաղաքացիական գործը 2025 թվականի նոյեմբերի 07-ին մակագրվել է Երևան քաղաքի առաջին ատյանի ընդհանուր իրավասության քաղաքացիական դատարանի (այսուհետ նաև՝ Դատարան) դատավոր Ա. Դուռամայանին և 2025 թվականի նոյեմբերի 10-ին Համակարգի միջոցով դարձել է հասանելի:

II. ԴԱՏԱՐԱՆԻ ՀԻՄՆԱՎՈՐՈՒՄՆԵՐԸ ԵՎ ԵԶՐԱՀԱՆԳՈՒՄՆԵՐԸ.

I. ՀՀ քաղաքացիական դատավարության օրենսգրքի 411-րդ հոդվածի 1-ին մասի համաձայն՝ դատարանի եզրափակիչ դատական ակտը բեկանելու և գործը նոր քննության ուղարկելու մասին դատական ակտ կայացնելու դեպքում դատարանը գործն ստանալուց հետո՝ եռօրյա ժամկետում, կայացնում է գործը վարույթ ընդունելու մասին որոշում:

ՀՀ քաղաքացիական դատավարության օրենսգրքի 413-րդ հոդվածի 1-ին մասի համաձայն՝ գործի նոր քննությունը դատարանում իրականացվում է դատարանում գործերի քննության համար նույն օրենսգրքով սահմանված կանոններով՝ հաշվի առնելով նույն գլխի առանձնահատկությունները:

ՀՀ քաղաքացիական դատավարության օրենսգրքի 414-րդ հոդվածի 1-ին մասի համաձայն՝ դատարանում գործի նոր քննությունն իրականացվում է գործը նոր քննության ուղարկելու մասին որոշմամբ սահմանված ծավալով:

Ելնելով վերոնշյալ իրավակարգավորումներից և հիմք ընդունելով այն, որ գործը մակագրվել է դատավոր Ա. Դուռամայանին, իսկ ՀՀ վերաքննիչ քաղաքացիական դատարանի կողմից 2025 թվականի մայիսի 30-ին կայացված որոշմամբ գործն ուղարկվել է Դատարան՝ ամբողջ ծավալով նոր քննության համար, կարծում եմ, որ քննարկվող գործը պետք է ընդունել վարույթ և գործի նոր քննությունն իրականացնել վերոնշյալ որոշմամբ սահմանված ծավալով:

II. ՀՀ քաղաքացիական դատավարության օրենսգրքի 234.9-րդ հոդվածի 1-ին մասի համաձայն՝ դատարանը նույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ դատարանը գործին մասնակցող անձի միջնորդությամբ կամ իր նախաձեռնությամբ եկել է եզրահանգման, որ անհրաժեշտ է գործը քննել դատական նիստում:

Նույն հոդվածի 4-րդ մասի համաձայն՝ գործը դատական նիստում քննելու հարցը կարող է լուծվել նաև հայցադիմումը վարույթ ընդունելու մասին որոշմամբ:

Տվյալ դեպքում, ելնելով հայցի հիմքում դրված փաստերի առանձնահատկություններից՝ Դատարանը կարծում է, որ գործի քննությունը պետք է իրականացնել դատական նիստում:

III. Դատարանը, հիմք ընդունելով ամբողջ վերոգրյալը և ղեկավարվելով ՀՀ քաղաքացիական դատավարության օրենսգրքի 5-րդ, 165-166-րդ, 188-րդ, 199-րդ, 200-րդ, 410-411-րդ հոդվածներով,

ՈՐՈՇԵՑ

1. ըստ հայցի՝ «Ագաստ» ՍՊ ընկերության ընդդեմ «Գորիսի բժշկական կենտրոն» ՓԲ ընկերության՝ «Գորիսի բժշկական կենտրոն» ՓԲ ընկերության կողմից վերջինիս և «Ագաստ» ՍՊ ընկերության միջև 02.02.2024թվականին կնքված թիվ «ՍՍԳԲԿ-ԳՀՄՊԶԲ-24/2/5» ծածկագրով պայմանագրի միակողմանի լուծումն անվավեր ճանաչելու պահանջի մասին, թիվ ԵԴ2/7228/02/24 քաղաքացիական գործն ընդունել վարույթ և գործի քննությունն իրականացնել գործը նոր քննության ուղարկելու մասին որոշմամբ սահմանված ծավալով:
2. Եզրափակիչ դատական ակտը հրապարակել 2025 թվականի դեկտեմբերի 24-ին՝ ՀՀ դատական իշխանության պաշտոնական կայքի միջոցով:
3. Գործի քննություն իրականացնել դատական նիստում:
4. Նշանակել դատական նիստ 2025 թվականի դեկտեմբերի 05-ին, ժամը՝ 12:30-ին, Երևան քաղաքի առաջին ատյանի ընդհանուր իրավասության քաղաքացիական դատարանի «Արաբկիր» նստավայրում լիստե՝ ք. Երևան, Հրաչյա Ներսիսյան 10, նիստերի դահլիճ թիվ 1:
5. Որոշումն ուժի մեջ է մտնում կայացման պահից և ենթակա չէ բողոքարկման:

Դատավոր՝ Ագատ Դունամայան

Տվյալ ֆայլերին կարող եք ծանոթանալ նաև մուտք գործելով "Էլեկտրոնային դատավարություն" համակարգ՝
cabinet.armlex.am